



SUPPORT TO PROCESSING OF
WAR CRIMES CASES IN BIH
Podrška procesuiranju slučajeva
ratnih zločina u BiH



HIPOTETSKI PREDMET

Tužilaštvo BiH je dana 28.07.2008.godine donijelo naredbu o sprovođenju istrage protiv lica:

- AA (Andre Agassi)
- BB (B.B. King)
- CC (Charles Chaplin)
- DD (Donald Duck)
- EE (Edward Estlin Cummings)
- FF (Foo Fighter)
- GG (Guenther Grass)
- HH (Hulk Hogan)



radi postojanja osnova sumnje da su:

AA i BB počinili krivično djelo organizovanog kriminala iz člana 250. stav 3. u vezi sa krivičnim djelom neovlaštenog prometa oružjem iz člana 193. stav 1. KZ BiH

CC počinio krivično djelo organizovanog kriminala iz člana 250. stav 1. u vezi sa krivičnim djelom protuzakonitog posredovanja iz člana 219. stav 1. KZ BiH

DD počinio krivično djelo organizovanog kriminala iz člana 250. stav 4. KZ BiH u vezi sa krivičnim djelom primanja dara i drugih oblika koristi iz člana 217. stav 1. KZ BiH

EE počinio krivično djelo primanja dara i drugih oblika koristi iz člana 217. stav 1. KZ BiH

FF počinio krivično djelo organizovanog kriminala iz člana 250. stav 1. KZ BiH u vezi sa krivičnim djelom neovlaštenog prometa oružjem iz člana 193. stav 1. KZ BiH i krivičnim djelom davanja dara i drugih oblika koristi iz člana 218. stav 1. KZ BiH

GG počinio krivično djelo organizovanog kriminala iz člana 250. stav 1. KZ BiH u vezi sa krivičnim djelom neovlaštenog prometa oružjem iz člana 193. stav 1. KZ BiH i krivičnim djelom davanja dara i drugih oblika koristi iz člana 218. stav 1. KZ BiH

HH počinio krivično djelo organizovanog kriminala iz člana 250. stav 4. KZ BiH u vezi sa krivičnim djelom neovlaštenog prometa oružjem iz člana 193. stav 1. KZ BiH

Tužilaštvo BiH je dana 01.01.2009. godine otvorilo istragu protiv AA i BB za učinjenje krivičnog djela Zločin protiv čovječnosti iz člana 172. stav 1. tačke a), e) i f) KZ BiH.



HIPOTETSKI PREDM

LICA:

AA i BB su rođeni na teritoriji BiH, u BiH imaju prijavljeno stalno prebivalište, te posjeduju državljanstvo BiH.

Krajem 80-ih godina AA i BB su zajednički pokrenuli privatni biznis, odnosno registrovali su preduzeće za uvoz i veleprodaju voća i povrća. Do početka rata u proljeće 1992.godine AA i BB su bili vlasnici 3 veleprodajna i 8 maloprodajnih objekata uvoznog voća, povrća, alkoholnih i bezalkoholnih pića.

Tokom početka rata AA i BB su boravili u BiH, te su se tokom tog vremena prema operativnim podacima policijskih i obavještajnih agencija počeli baviti trgovinom oružjem i vojnom opremom. Također postoje saznanja da je AA bio komandir Policijske stanice Bosanski Lonac i BB zvani „Kuhar“ bio pripadnik policije i paravojne formacije, koji su navodno učestvovali u napadu na sela u opštini Bosanski Lonac, kada je stanovništvo iz tih sela protjerano, a određeni broj civila je protivpravno zatvaran, od koji su neki mučeni i ubijeni od strane pripadnika ove paravojne formacije.

1993. ili 1994.godine AA je iz BiH otišao u Njemačku, a BB u 1996. godini u Sjedinjene Američke Države (SAD). Njihov kapital je većim dijelom već bio u inostranstvu, budući da su do rata zarađeni novac polagali na račune u inostranim bankama. Dogovorili su se da će o nekretninama u BiH razgovarati kada se rat završi.

1997.godine AA i BB su već imali odvojene poslove, AA u Njemačkoj, BB u SAD-u. AA je radio u svom građevinskom obrtu i zapošljavao je oko 80 ljudi. BB je također imao svoj obrt i bavio se izvođenjem molerskih radova. BB je zapošljavao oko 50 ljudi. Tokom boravka u Njemačkoj i SAD-u AA i BB su stekli veliki broj poznanika i prijatelja koji su porijeklom sa prostora bivše Jugoslavije, Bugarske, Turske i Rusije. Veliki broj ovih poznanika su bili siromašni ljudi koji su radili za AA i BB za nadnicu, najčešće na crno.

U operativnoj evidenciji njemačke i češke policije stoji da su AA i BB lica koja se dovode u vezu sa neovlaštenim prometom opojnim drogama i neovlaštenim prometom oružjem, ali AA i BB nikada nisu optuženi za neko krivično djelo u Njemačkoj ili SAD-u.

1998.godine AA se vratio u Sarajevo i sa BB koji je ostao u SAD-u 1999.godine počeli sa novim poslovima. AA je otvorio preduzeće za promet voćem i povrćem, a BB je bio vlasnik preduzeća za promet bojama i lakovima.

Tokom 2000., 2001 i 2002.godine AA i BB su u postupku privatizacije postali vlasnici 66% dionica bivše uspješne fabrike boja i lakova „COLOR“, 78% dionica preduzeća za promet duhanom „CUBA“ i 100% dionica preduzeća za društveno knjigovodstvo i računovodstvo „RAČUNOVODSTVO“. Sva naprijed navedena preduzeća posjeduju vrijedne nekretnine.

Policijske i obavještajne agencije BiH od 1999.godine posjeduju brojne operativne informacije o umješanosti AA i BB u različite kriminalne aktivnosti.

CC je komandir Jedinice Granične policije BiH na graničnom prelazu „ŠARENI DO“ od 1999.godine. Rođen je u istom mjesto kao i AA, te se poznaju od djetinstva i u dobrim su prijateljskim odnosima.

DD je policajac Granične policije BiH i raspoređen je na Graničnom prelazu „ŠARENI DO“ od 1998.godine.

EE je policajac Granične policije BiH i raspoređen je na Graničnom prelazu „ŠARENI DO“ od 2000.godine.

FF je lice rođeno u BiH, policiji je poznat po vršenju različitih krivičnih djela.

GG je lice rođeno u BiH.

HH je lice rođeno u BiH. Zaposlen je kao vozač u špeditersko-prevozničkom preduzeću „GROSSWAGEN“ Minhen.

GRAFIČKI TRIKAZ !


MAPA:



Granični prijelaz „ŠARENIDO“

Sjedište firme „COLOR“

Naxelje
Mjesto „BOSANSKI LONAC“




Sud u Wiesbadenu

Sjedište firme „GROSSWAGEN“, Minhen

Granični prelaz „RAVNA DOLINA“

Zatvor u Lyonu

Ruta prevoza robe


ČINJENICE:

Dana 22.06.2008.godine lice GG je vozeći kamion MAN registarskih oznaka M88654YU zaustavljen i kontrolisan na graničnom prelazu „ŠARENI DO“ od strane pripadnika Granične policije BiH i Uprave za indirektno oporezivanje BiH. Prilikom rutinskog pregleda tereta na kamionu uočeno je skriveno naoružanje nepoznate vrste i porijekla. Lice GG je odmah lišeno slobode, te su pripadnici GP izvršili kriminalističko-tehničku obradu lica, kao i pretres kamiona. Pronađena je veća količina naoružanja i to 4 automatske puške, 10 pištolja i veća količina municije. Na prvom ispitivanju GG je negirao da zna odakle potiče naoružanje. GP je predala lice GG Tužilaštvu BiH uz izvještaj o počinjenom krivičnom djelu neovlaštenog prometa oružjem. Prilikom saslušanja od strane tužioca GG je rekao da je jako uplašen za sebe i za svoju porodicu i da ne smije ništa reći.

Tužilac mu objašnjava mogućnosti zaštite i saradnje (imunitet, sporazuma).

GG izjavi da je zaposlen kao vozač u preduzeću „COLOR“ i da se nalazi u vrlo teškoj materijalnoj situaciji. Navodi da je dužan 30.000 maraka, a da mu je plata 450 maraka, te da je iz tog razloga pristao raditi nezakonite stvari. U početku ne želi otkriti odakle je, niti kome vozi oružje. Nakon razgovora sa tužiocem prihvata saradnju (imunitet ili sporazum) i navodi da je oružje preuzeo u skladištu preduzeća „COLOR“ od lica FF koje je zaposleno u istom preduzeću kao šef osiguranja, te da mu je FF rekao da oružje treba odvesti u Njemačku, u Minhen, a da će mu se u Njemačkoj javiti lice koje će od njega preuzeti oružje. Navodi da je granicu sa R. Hrvatskom trebao preći na graničnom prelazu „ŠARENI DO“ 22.06.2009.godine između 18,00 i 24,00 sati, jer je tada na granici trebao raditi policajac DD koji je navodno bio upoznat sa činjenicom da GG vozi oružje. GG navodi da mu je FF rekao da DD neće praviti probleme na granici. GG dalje navodi da je na isti način do sada u tri navrata vozio oružje u Njemačku i SAD-u, i da je sva tri puta uspješno prevezao „robu“. Navodi da je prva dva puta granicu prelazio u vrijeme smjene u kojoj je radio DD, a treći put je granicu prešao dok je radio policajac EE kojem je tom prilikom rekao da jako žuri i dao mu 500 EURA kako mu ne bi pregledao kamion.

GG navodi da mu je FF također rekao da „ima vezu“ i na hrvatskoj i slovenačkoj granici, ali navodi da ne zna imena tih ljudi.

GG navodi da pretpostavlja da iza svega stoje AA i BB budući da su oni vlasnici „COLORA“, navodi da svi u firmi pričaju da se oni bave različitim vrstama kriminala, ali za to nema dokaze, niti je ikada o tome razgovarao lično sa AA i BB.

Na poseban upit tužioca GG izjavi da je prilikom preuzimanja oružja u skladištu firme „COLOR“ bio prisutan i SS, koji je zaposlen kao šef voznog parka „COLORA“.

Nakon ispitivanja ovog osumnjičenog policija lišava slobode DD i EE koji se brane šutnjom. Tužilac im predočava mogućnosti saradnje, kako bi istragu usmjerio prema organizatorima ovog krivičnog djela.

DD izjavi da je u nekoliko navrata primio novac od njemu nepoznatih ljudi – vozača različitih kamiona, ali da je to uvijek radio „u dogovoru“ sa komandrom svoje Jedinice CC, kojem je predavao sav primljeni novac, a ovaj bi ga nekada za to častio. Navodi da je novac primao „zato što ga je komandir molio da neke kamione pusti preko reda i bez kontrole, jer kasne“

EE izjavi da je od GG primio 500 EURA kako ne bi izvršio pregled kamiona, ali tvrdi da nije imao pojma šta se u kamionu nalazi. Navodi da mu CC nikada ništa slično nije tražio od njega.

Nakon što policija liši slobode CC, on izjavi da se brani šutnjom i samo negira svoju krivnju.

Policajska agencija koja vodi istragu u ovom predmetu zatraži od EUROPOLA informaciju o tome da li je neko lice u posljednje vrijeme lišeno slobode u vezi sa krivičnim djelom neovlaštenog pometa oružjem koje potiče iz BiH, te da li je izjavilo da je oružje preuzelo od lica AA, BB i FF.

Mađarska policija odgovori da je lice HH dana 21.03.2008.godine lišeno slobode od strane mađarske policije na graničnom prelazu „RAVNA DOLINA“ radi krijumčarenja dva pištolja marke GLOCK. HH je naveo da je oružje prevezio iz BiH do Njemačke po nalogu FF. Mađarska policija navodi da je istraga protiv ovog lica u toku. Policijska agencija BiH obavijeti tužioca Tužilaštva BiH o postojanju ovog predmeta. Tužilac Tužilaštva BiH razmatra mogućnost da zatraži ustupanje predmeta iz Mađarske, kako bi objedinio istragu.

Lice FF nakon lišenja slobode izjavi da se brani šutnjom.

Lice SS u svojstvu svjedoka izjavi da već dugo vremena radi kao šef voznog parka „COLORA“ i na početku negira da je upoznat sa bilo kakvim nezakonitim aktivnostima AA, BB i FF. Nakon dužeg razgovora sa tužiocem izjavi da ima ženu i dvoje maloljetne djece, da je jako zabrinut za njihovu sudbinu i da osjeća veliki strah. Navodi da zna dosta o nezakonitim aktivnostima svih pomenutih lica, ali da se boji svjedočiti. Ističe da on nikada nije učestvovao u bilo kakvim kriminalnim radnjama, ali da je zbog prirode posla, budući da je održavao kamione, morao znati da se u kamionima prevozi nešto nezakonito, tj. često je od FF dobijao zahtjeve da pravi tzv. „bunkere“ na kamionu. Tužilac mu predstavlja instrumente zaštite kao svjedoka i SS pristaje na saradnju.

SS, između ostaloga, izjavi da je lično čuo jedne prilike kako AA kaže FF-u „onaj CC je postao pravo skup, još malo pa će mi roba u Njemačkoj biti skuplja od ruske, a onda smo gotovi sa biznisom“.

Daljom saradnjom sa evropskim policijskim agencijama Tužilaštvo BiH zaprimi informaciju da je dana 04.04.2007.godine sud u Wiesbadenu u Njemačkoj pravosnažno presudio lice OO radi međunarodnog prometa oružjem. U istrazi i na suđenju je OO negirao da je kriv za navedeno krivično djelo. Međutim, njemačka policija je u jednom oduzetom mobitelu od lica OO pronašla samo jedan memorisam telefonski broj i to je broj koji koristi BB.

Tužilaštvo traži dostavljanje tog dokaza od njemačkog suda/tužilaštva.

Tužilaštvo daljom istragom utvrdi da je lice TT dana 06.08.2003.godine pravosnažno presuđeno na kaznu zatvora od strane suda u Lyonu i to radi krivičnog djela neovlaštenog prometa oružjem. Lice TT se i sada nalazi na izdržavanju zatvorske kazne u Francuskoj. Tužilaštvo prikupi podatke da je lice TT u svojoj odbrani tada navelo da je oružje prevozilo po nalogu dva lica iz BiH i navodi njihove nadimke, a što ukazuje na lica AA i BB.

Tužilaštvo BiH želi uzeti izjavu od lica TT u svojstvu svjedoka.

BB koji od 1996. godine živi u SAD-u podnio je zahtjev za primanje u državljanstvo SAD-a. Građanin SAD-a je postao 2001. godine. Američke imigracione vlasti je došla do saznanja da je otvorena istraga za ratne zločine koju je preuzeo Posebni odjel za ratne zločine. Nakon donošenja naredbe o sprovođenju i poduzimanja istražnih radnji, i s obzirom da lice BB nema prijavljeno prebivalište na području BiH od 1996. godine, Tužilaštvo je uputilo prijedlog za raspisivanje međunarodne potjernice kako bi ispitalo BB u svojstvu osumnjičenog i nastavilo voditi krivični postupak u predmetima ratnog zločina i organizovanog kriminala.

U toku istrage Tužilaštvo BiH zaprimi operativni podatak da je lice FF imalo namjeru oružje isporučiti članovima terorističke organizacije „Crvena kapica“ za koje njemački organi imaju saznanju da pripremaju veći broj teroristički u povodu predstojećeg „Octoberfesta“.

LISTA DOKAZA:

Izjave svjedoka

Izjava zaštićenog svjedoka

Privremeno oduzeto oružje

Telefonski listinzi

Nalazi mišljenje vještaka balističke, finansijske, daktiloskopske i vještaka sudske medicine

Fotokopije naredbe iz policijske stanice Bosanski Lonac

Lista pripadnika paravojne formacije,

Koja je strategija predmeta?